



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum de Semper uiua VII

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

stant, quia odorati, albi uero nihil penitus habent odoris. At de sandalino unguento satis dictum erit, si huc Serapionis cōpositio adducatur, quam refert tractatu septimo de Antidotis capite uigesimo septimo quæ est Dimat de sandalis, & ita conficitur.

Recipe rosarum drach. X.

Sandali albi } Sing. drach. V.
Rubri }

Croci drach. II.

Camphoræ drach. I.

Ceræ unc. I.

Olei rosacei unc. III.

Misceantur, & administrentur.

SE. Est minor compositio quàm illa Mesue. BRAS.

Nonnulli Ferrariae sunt qui in tota compositioe in pondere differunt, & ita conficiunt.

Recipe ros. rub. unc. II.

Sandalorum rubrorum drach. XX.

Citrinorum } Singul. drach. XII.
Alborum }

Boli armeni drach. XIII.

Spodij unc. I.

Camphoræ unc. semis.

Ceræ albæ unc. VII. & semis.

Olei rosati lib. II.

Misce. Alij ponunt in compositioe cōi ceræ unc. VI.

SE. Quem sequi debeo? BRAS. Mesuem.

SENE X VII.

Unguentum de Semperuiua ad examen uenit. BRAS.

A quo authore istud accipis? SE. Authorem prorsus ignoro

ignoro, sed à quibusdam audiui uocari unguentum de
semperuiua Domini Bernabonis, ab alijs unguentum de
semperuiua Montagnana. BRASA. Parum refert
siue huius sit, siue illius authoris, nã illorum nemo fami-
gerabilis est, & potius fibulis calciamentorum Galeni
fides adhibenda est, quàm his oibus simul. SE. Tamen
& ij fuere suo tempore probi uiri, diuites & qui in me-
dica facultate multa negotia agebant. BRAS. Quod
dicit profectò uerum est, tamen non sunt antiquioribus
conferendi. At cõpositionem ipsam referto. SE. Hec
est quæ sequitur.

Recipe Olei uiolati
rosati

Singulor. unc. I.

Pinguedinis anseris drachm. VI.

Succi semperuiuæ. unc. III.

Bulliant omnia simul usq; ad succi consumptionem, po-
stea adde croci scrup. I. & fiat unguentum. BRAS.
Emollit unguentum hoc, & infrigidat, hocq; uehemen-
tius facit quàm Galeni infrigidans, sed non adeo pene-
trat. iccirco dici potest Galeni infrigidans magis refri-
gerare intrinsecas partes quàm unguentum de semper-
uiua. At in superficie magis infrigidat unguentũ de sem-
peruiua, quàm Galeni ceratum. hoc inungi possunt &
iecur, & renes, & omnes partes quæ in superficie refri-
geratione indegent, & si una durities adesset emollien-
da magis conueniret. SE. Cur succus in hoc unguento
consumi debet? BRAS. Quod in hoc dico, idẽ in omni-
bus alijs intelligito quæ succos recipiunt, cum herbarum

succi

succi cito corrumpantur, propterea si oleis miscerentur, omnia simul corrumpentur: iccirco ars modum inuenit uim succorum seruandi, quamuis succi ipsi absint, qui alioqui totam compositionem corrumpent: una igitur causa est cur consumi debeant succi putredo quæ in tota compositione sequeretur: in illa uero ebullitione, et si aliquo modo succi frigiditas remittatur: tamen in oleum imprimatur, ac recipitur, usque sempiternæ seruatur, immo et præsentæ pinguedine magis adhuc seruatur, quia illi magis inhaeret. præterea succi consumuntur, quia semper in magna sunt copia, magnaque fieret compositio, si integri in compositione seruarientur. Adde et in hac ebullitione, maiorem acquiri succis penetrationem. SEN. Cur additur crocus? BRAS. Ad emolliendum simul cum pinguedine, propterea ad inflammationes maturandas aliqui unguento isto usi sunt. SE. Quodnam oleum rosaceum accipi debet? BRAS. Omphacinum quando infrigidare intendimus. At si non intenderemus tam refrigerationi quam maturationi rosaceum simplex potius conueniret. SE. Rari sunt qui hoc unguento utantur. BRAS. Tamen in tuo illud seruas pharmacopolio. SE. Seruo prorsus, quia nonnunquam in usum uenit, aliqui eo utuntur ad combusta. SE. Fit ne apud aliquem authorem ex Arabibus saltem huius unguenti mentio? BRASA. Non quod sciuerim, tamen Serapio cuiuspiam cataplasmatibus ex sempiterna mentionem facit, Tractatu septimo, capite uigesimo septimo, quod iecori duro ex caliditate confert. SE. Serapionis descriptionem libenter audirem. BRAS. Audies si aures accommodabis. Ita enim inquit Serapio.

Recipe

Recipe summitatū semperui
ue recentis

Summitatum uiolarum
ficcarum

Summitatum rosarum
ficcarum

Sandallorum alborum

Singu. aur. III.

Camphoræ drachm. I.

Dhererati non aromatizati aur. I.

Ceræ sextaria III.

Olei rosati quantum necesse est. misceatur, & admix-
trētur. SE. Alia compositio hæc est ab unguento de
semperuua, tñ ab ipsius intentione non multum dissen-
tit. BRAS. Non ut uidetur. alij sunt Ferrariæ phar-
macopola, qui tale seruant de semperuua unguentum.

Recipe olei rosati

uiolati

Singul. unc. III.

Pinguedinis anseris unc. II. drachm. II.

Succi semperuua unc. VIII.

Ceræ citrinæ unc. I. drachm. II.

Croci drach. I.

Misce, & fiat unguentum secundum artem. SE. Cro-
cus hic additur ex superfluo. BRASA. Veruntamen
& Ferrariæ, & Venetijs alij sunt pharmacopola, qui
maiolem & ampliolem conficiunt compositionem, ita
uero componunt.

Recipe Lithargyrij unciam semis.

Tutia

Tutie preparata } Sing. unc. I.
 Cerussa }
 Mastiches }
 Sandaraca } Singulor. drachm. II.
 Sarcocolla }
 Olei rosacei libr. II.
 Cerae albæ unc. VIII.
 Succisemperiuae unc. III.

Misce, & secundum artem fiat unguentum. SE. Nisi me coegeris illam semper seruabo de semperiua quam retuli compositionem. BRAS. Et ego semper illam seruandam esse intelligam.

S E N E X.

VIII.

Ad unguentum ergo de Plumbo pedem conferamus. BRAS. Conferamus & manus, si pedes non sint satis, uerum à quo authore accipitur eiusmodi unguentum? SE. Audiui compositionem esse cuiuspiam Leonardi de Berta palea Patauini. BRAS. Fuit suo tempore laudatus uir ille: & quod potuit in hac arte adimpleuit. Eo enim tempore quo ille scripsit, aderat et librorum, et praceptorum inopia, tamen finem suum affecutus est, & unguentum hoc in capite de Erysipelate descripsit: quod inquam unguentum in maximum uenit usum ad infrigidandum, & exiccandum, ut in tota Europa iam receptum sit, & in omni inueniatur pharmacopolio: sed huc ex quibus constat adducito, ut compositionem ipsam contempleremur. SE. Hæc est huius unguenti compositio.

Recipe plumbi usti cum sulphure } Sing. unc. II.
 Lithargyrij }
 Cerussa